



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo VIII. Domus Sapientiæ sensu. Anagogico.

[urn:nbn:de:hbz:466:1-46065](#)

150 OPUSCULUM II. SERMO VII.

dicationis describuntur, & continent purissimum au-
rum, gemmasque pretiosissimas sensu mystico omnis
generis, plures, quam habuerit Templum materiale Sa-
lomonis. DEDICATIO Domus Sapientiae, quæ est Chri-
sti Humanitas, dici potest gloria Resurrectio: nam per
eam omni mortalitatis, seu possibilitatis paupertate
detersa, solennitas æterna, festivitas tempore in voce
exultationis, & confessionis in eacelebrata est ab Ange-
lis, & celebratur accelebrabitur ab hominib⁹, quotquot
sunt vel erunt filii Resurrectionis. Plura de Domus Sapi-
entiae, quatenus est corpus Christi, aut Humanitas illius,
Ædificatione, partibus, ornatu, dedicatione, dicemus
propriis locis, ac titulis: cum tanquam Templum, Hos-
pitium, Palatium describetur.

SERMO VIII.
DOMVS SAPIENTIAE.

Sensu Anagogico.

I. CÆLUM empyreum anagogicè dicatur Do-
mus Sapientiae. Septem Columnæ, universi-
tas Angelorum, quos excidit Sapientia, id est, à
ruina cadentium separavit, Job xxvi. II. Columnæ cali-
contremiscunt, & pavent ad nutum ejus. Ita Ugo Cardinalis
Proverbior. ix.

II. Corpus gloriosum, quod tanquam Domum in-
habitatio nis ædificat sibi, scilicet filiis, discipulis, & au-
ditoribus suis Sapientia, si vitam suam secundum moni-
ta data instituant. Ad hunc sensum facit illud Christi
Joannis secundo 19. Solvite Templum hoc, & in tribus diebus
excitabo illud, id est, post mortem, corpus gloriosum red-
dam.

DOMUS SAPIENTIÆ.

151

dam, illudque anima iterum inhabitabit: nam loquebatur de templo corporis sui.

III. Domus, Thronusque in cælo. Scimus, inquit Paulus Apostolus, 2. Corinth. 5. 1. quoniam, si terrestris Domus nostra hujus habitationis dissolvatur, quod Aedificationem ex Deo habemus, Domum, non manu factam eternam in celis.



SERMO IX.

DOMUS SAPIENTIÆ

Tropologicè. Ethicè. Moraliter.

QUæ sit illa DOMUS, quam Sapientia ædificavit sibi pervarios sensus ac interpretationes, illuagando investigavimus hactenus; nunc tandem ventum est ad significatiouem Tropologicam, seu interpretationem Ethicam, quæ Latinis dicitur sensus Moralis, nostro proprius instituto, ac proinde ineo diutius morabimur. Quod ut fiat absque confusione, sit

ARTICULUS I.

DOMVS SAPIENTIA.

Tropologicè.

COR JUSTI

HOMINIS Justi Cor considerat Ugo Cardinalis, ut Domum Sapientiæ, in quâ fundamentum est Fides, parietes, Spes, & Timor: altitudo, Humilitas: longitudo, Longanimitas: tectum Caritas. Septem Columnæ sunt septem virtutes, quas enumerat Apostolus in altera

K 4

ad